

Na osnovu člana 7. i člana 32. stav (2) Zakona o novčanim podrškama u primarnoj poljoprivrednoj proizvodnji i prehrambeno prerađivačkoj proizvodnji („Službene novine HNK“, broj: 2/13), Odluke o usvajanju Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2023. godinu, Vlada HNK broj: 01-1-02-860/23 od 30.03.2023. godine i Odluke o usvajanju Programa o izmjenama Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2023. godinu, Vlada HNK broj: 01-1-02-3013-1/23 od 15.12.2023. godine, ministar poljoprivrede, šumarstva i vodoprivrede donosi

**UPUTSTVO O IZMJENAMA UPUTSTVA  
O NAČINU I USLOVIMA ZA OSTVARENJE PODRŠKI  
U PRIMARNOJ POLJOPRIVREDNOJ PROIZVODNJI I PREHRAMBENO –  
PRERAĐIVAČKOJ PROIZVODNJI ZA 2023. GODINU**

Član 1.

U Uputstvu o načinu i uslovima za ostvarenje podrški u primarnoj poljoprivrednoj proizvodnji i prehrambeno – prerađivačkoj proizvodnji za 2023. godinu („Službene novine HNK“, broj: 5/23) (u daljem tekstu: Uputstvo), u članu 2. briše se tekst: „Podrška izvozno orijentiranim klijentima – izvoz povrća, voća i stonog grožđa iz vlastite proizvodnje, Podrška izvozno orijentiranim klijentima - izvoz presadnica povrća iz vlastite proizvodnje, Podrška izvozno orijentiranim klijentima - izvoz ribe iz vlastitog uzgoja, Podrška izvozno orijentiranim klijentima - izvoz vina proizvedenog od grožđa iz vlastite proizvodnje.“

Član 2.

Član 37. Uputstva mijenja se i glasi:

„Član 37.

Zbog neusklađenosti sa obavezama koje je Bosna i Hercegovina preuzela u okviru relevantnih međunarodnih sporazuma mjere podrške izvozno orijentiranim klijentima ne mogu biti implementirane.“

Član 3.

Dosadašnji članci 38., 39. i 40. Uputstva se brišu.

Član 4.

Dosadašnji članci 41., 42. i 43. Uputstva postaju članci 38., 39. i 40.

Član 5.

U Uputstvu Poglavlje VI. OBRASCI, dosadašnji član 44. postaje član 41. i u istom se briše: „zahtjev za kantonalnu novčanu podršku izvozno orijentiranim klijentima – izvoz povrća, voća i stonog grožđa iz vlastite proizvodnje, zahtjev za kantonalnu novčanu podršku izvozno orijentiranim klijentima-izvoz presadnica povrća iz vlastite proizvodnje, zahtjev za kantonalnu novčanu podršku izvozno orijentiranim klijentima - izvoz ribe iz vlastitog uzgoja, zahtjev za kantonalnu novčanu podršku izvozno orijentiranim klijentima- izvoz vina proizvedenog od grožđa iz vlastite proizvodnje“.

Član 6.

Dosadašnji članci 45., 46. i 47. Uputstva postaju članci 42., 43. i 44.

Član 7.

Uputstvo stupa na snagu danom donošenja, a objavit će se u "Službenim novinama Hercegovačko – neretvanskog kantona“.

Broj: 03-20-517-2/23  
Mostar, 19.12.2023. godine

